

Morning Dogri (NSD) National News Bulletin 14-03-2025

आकाशवाणी

- 1 सूचना ते प्रसारण मंत्री अश्विनी वैष्णव होरें वेक्स 2025 तैहत् क्रिएटर अर्थबवस्था लेई 1 अरब डॉलर दे फंड दी घोषणा कीती ऐ।
2. उत्तर प्रदेश दे मुख्यमंत्री योगी आदित्यनाथ होरें राज्य दी सब्बनें नगरपालिकाएं गी सौर शैहरें च तब्दील करने दी घोषणा कीती ऐ।
- 3 रंगे दा ध्यार होली अज्ज पूरे मुख्य च हर्षो-उल्लास कन्नै मनाई जा'रदी ऐ।
- 4., छत्तीसगढ़ दे बीजापुर जिले च 17 नक्सलवादिएं सुरक्षा बलें अगगे आत्मसमर्पण करी दित्ता ऐ।
5. माली नियम कायदे लागू कराने सरबंधी निदेशालय ने कन्नड़ अभिनेत्री रान्या राव सरबंधी सुन्ने दी तस्करी आहले मामले दी जांच शुरू करी दित्ती ऐ।
- 6 महिला प्रीमियर लीग च जंदी राती मुंबई इंडियन्स ने गुजरात जायंट्स गी 47 रनें कन्नै हराईयै फाइनल च थाहर पक्की करी लैती ऐ।

<><><><><><>

Ashwani

सूचना ते प्रसारण मंत्री अश्विनी वैष्णव होरें विश्व आडियो विजुअल ते मनोरंजन सरबंधी शिखर सम्मेलन वेक्स 2025 तैहत् क्रिएटर अर्थबवस्था लेई 1 अरब डॉलर दे फंड दी घोषणा कीती ऐ। उनें आखेआ जे 1 शा 4 मई तगर मुंबई च होने आले एह कार्यक्रम सृजनोत्मक समुदाय लेई उच्च म्यार आली रचना बनाने लेई इक मंच प्रदान करोग। वैष्णव होरें कल नमीं दिल्ली च वेक्स 2025 उप्पर आयोजित इक सत्र दरान एह गल्ल आक्खी। सूचना ते प्रसारण मंत्रालय आस्सेआ आयोजत इस सत्र दा उद्देश्य वेक्स 2025 शा पैहले अंतर्राष्ट्रीय समुदाय गी शामिल करना हा। केन्द्रीय मंत्री होरें जानकारी दित्ती जे पैहला रचनात्मक प्रौद्योगिकी संस्थान आईआईसीटी मुंबई दे गोरेगांव च स्थापत कीता जाग।

<><><><><><>

Dr. Jaishankar

विदेश मंत्री डॉ. एस.जयशंकर होरें गलाया ऐ जे दुनिया पैहले थमां गै आर्थिक ते राजनीतिक पुर्न संतुलन दिक्खारदा ऐ ते हुन प्रौद्योगिकी ते सांस्कृतिक पैहलुएं आली बक्खी बधा'रदी ऐ। डॉ. जयशंकर होरें जंदी संजा नमीं दिल्ली च विश्व आडियो विजुअल ते मनोरंजन शिखर सम्मेलन वेक्स गी संबोधत कीता। इस बारे मई च मुबई च आयोजत कीती जाग। डॉ. जयशंकर होरें आखेआ जे वास्तविक वैश्वीकरण इक कथा जां इक सच दे बारे च नेई सगुआं धरती दे लोकें दा अनोखा बन्न-सबनता दे बारे च न।

<><><><><><>

UP-Solar

उत्तर प्रदेश दे मुख्यमंत्री योगी आदित्यनाथ होरें राज्य दी सब्बनं नगरपालिकाएं गी सौर शैहरें च तब्दील करने दी घोषणा कीती ऐ। एह घोषणा कल गोरखपुर च राष्ट्री स्वच्छ इक प्रोग्राम दे त्रै रोजा राष्ट्री सम्मेलन ते कार्यशाला दे मुक्कदे इजलास दरान कीती गई। योगी आदित्यनाथ होरें आखेआ जे उत्तर प्रदेश नै 22 जहार मैगावाट दी स्वच्छ उत्थें पैदा करने दा लक्ष्य रखे दा ऐ। उनें आखेआ जे अयोध्या राज्य दा पैहला सौर थाहर बनी गेदा ऐ ते 6 जहार मैगावाट दी स्वच्छ ऊर्जा अगो गै पैदा कारदा ऐ। उनें आखेआ जे बंडलखंड बी 5 जहार मैगावाट स्वच्छ ऊर्जा बना'रदा ऐ।

<><><><><><>

Holi

रंगे दर ध्यार होली अज्ज पूरे मुल्ख च हर्षो-उल्लास कन्नै मनाई जा'रदी ऐ। एह ध्यार बुराई उप्पर अच्छाई दी जित्त ते बसंत ऋतु दे औने दा प्रतीक ऐ। होली दा ध्यार समानता प्रेम ते भाईचारे दा सनेहा दिंदी ऐ की जे हर जाति, उमर ते लिंग दे लोक होली दे ध्यार गी बड़े उत्साह कन्नै मनांदे न। राष्ट्रपति द्रौपदी मुर्मू, उपराष्ट्रपति जगदीप धनखड़ ते प्रधानमंत्री नरेन्द्र मोदी होरें देशवासिं गी होली दी ममारकबाद दित्ती ऐ।

<><><><><><>

Exams

केन्द्री माध्यमिक शिक्षा बोर्ड-सीबीएसई नै गलाया ऐ जे शनिवारें होने आली 12मीं जमात दे मतेयान देश दे बक्ख-बक्ख हिस्से च होली दे बावजूद तैह समें उप्पर गै आयोजत कीते जांगन। बोर्ड नै इक ब्यान च गलाया ऐ जे हिंदी कोर ते हिंदी वैकाल्पिक विषय लेई 12मीं

जमात दा मतेयान तैह समें उप्पर गै लैते जांगन। जेह्दे विद्यार्थी 15 मार्च गी मतेयान च शामिल नेई होई सकगंन। उनेंगी राश्ट्रीय ते अंतराश्ट्रीय स्तर दे खेड्ड आयोजन च हिस्सा लैने आले विद्यार्थिएं लेई आयोजत विशेष मतेयान च शामिल होने दा मौका दित्ता जाग।

<><><><><><>

Naxalities

छत्तीसगढ़ दे बीजापुर जिले च 17 नक्सलवादिएं सुरक्षा बलें अगगे आत्मसमर्पण करी दित्ता ऐ। पुलस दे इक वरिष्ठ एहलकार नै आखेआ ऐ जे सब्बने जनें कल बीजापुर च सीआरपीएफ दे सामने अपने थेआर छोड़ी दित्ते। बीजापुर दे एसएसपी जितेन्द्र कुमार यादव होरें आखेआ जे नक्सलवादिएं खोखली ते अमानवीय माओवादी बचारधारा, नक्सलवादिएं आस्सेआ गरीब ते मसूम आदिवासिएं गी तंग-परेशान करने ते सुरक्षाबलें दे बधा'रदे प्रभाव कारण आत्मसंपर्ण कीता ऐ।

<><><><><><>

ED

माली, नियम, कायदे लागू करोआने आला निदेशालय दे डीजीपी के.रामाचन्द्रा राय हुंदी मेत्रयी धीह कन्नड़ अभिनेत्री रान्या राव कन्नै जुड़े दे सुन्ना तस्करी मामले दी जांच शुरू करी दित्ती ऐ। ईडी नै बेंगलुरु ते होर दुइएं बक्ख-बक्ख थाहरें उप्पर तलाशी ते छापेमारी कीती। अधिकारिएं बेंगलुरु दे पॉश इलाकें लावेल रोड उप्पर स्थित रान्या राव हुंदे रिहसशी थाहर उप्पर कल संजा छापेमारी कीती। एह्दे कन्नै गै रान्या राव दे नेड़में दोस्त ते बेंगलुरु दे कुमारा पार्क फास्ट रोड स्थित इक स्टार होटल दे मालक दे पोत्रे तरुण राजू दे घर उप्पर बी छापा मारेआ। तरुण गी राजस्व खुफिया निदेशालय डीआरआई आस्सेआ गिरफ्तार करी लैता गेआ ऐ ते ओह्दे शा पुच्छ गिच्च कीती जा'रदी ऐ।

<><><><><><>

Mauritius

मॉरीशस दे विदेश मंत्री धनंजय रामफुल होरें प्रधानमंत्री नरेन्द्र मोदी हुंदी सराहना कीती ते भारत दे तेजिया कन्ने बध्दे होई विश्व दी सब्बने शा बड़्डी अर्थबवस्था बनने दा श्रेय उनेंगी दित्ता। उनें आखेआ जे भारत विश्व दी त्रीह सब्बने शा अर्थबवस्था बनने दी बत्ता उप्पर लगातार अगगे बधा'रदी ऐ ते एह्दा श्रेय प्रधानमंत्री मोदी होरें गी जंदा ऐ। रामफुल होरें आखेआ भारत ना छड़ा अर्थबवस्था दा गढ़ नेई ऐ सगुआं एह महाशक्ति दे तौर पर

उभरा'रदा ऐ। उनें आखेआ जे औने आले समें च सब्बने दी तक्क भारत उप्पर होग ते मॉरीशस इस गल्ल उप्पर फक्र मसूस करदा ऐ जे ओह्दे भारत कन्नै नेड़में सरबंघ न। प्रधानमंत्री मोदी होर कल अपने दऊं दिनें दे मॉरीशस दे दौरे मगरा भारत परतोई आए हे।

<><><><><><>

Russia

रूस—अमरीका दे लड़ाई बंदी प्रस्ताह उप्पर रूस दे राष्ट्रपति दफ्तर दे सहायक यूरो उशाकोव होरें आखेआ जे चर्चा शांतिपूर्ण ढंगै कन्नै होआ'रदी ऐ ते रूस गल्लबात लेई तैआर ऐ। उनें इस गल्ला उप्पर चैंता बुज्झी जे एह प्रस्ताह यूक्रेन दी सेना लेई इक अस्थाई लाह होग। रूस ते यूक्रेन बश्कार संभावित युद्ध बंदी उप्पर चर्चा लेई अमरीका दे अधिकारी मास्को दे दौरे उप्पर न।

<><><><><><>

WPL

महिला प्रीमियर लीग क्रिकेट च जंदी रातीं मुंबई इंडियन्स नै गुजरात जायंट्स गी 47 रंजें कन्नै हराइयै फाइनल च थाहर पक्की करी लैती ऐ। फाइनल च मुंबई इंडियन्स दा मकाबला दिल्ली कैपिटल्स कन्नै होग। पैहले बल्लेबाजी करइ होई मुंबई इंडियन्स नै मित्थे गेदे 20एं ओवरें च चऊं विकटें इदे नुक्सान उप्पर 213 रंज बनाए। लक्ष्य दा पिच्छा करदे होई गुजरात जायंट्स 19.2 ओवरें च 166 रंल गै बनाई सकी।

<><><><><><>